

დანართი

არასამეწარმეო (არაკომერციული) იურიდიული პირის - „ახალციხის
მუნიციპალიტეტის სათნოების სახლი“

წესდება

მუხლი 1. ზოგადი დებულებანი

1. „ახალციხის მუნიციპალიტეტის სათნოების სახლი“ (შემდგომში „სათნოების სახლი“) წარმოადგენს „ადგილობრივი თვითმმართველობის კოდექსი“ საქართველოს ორგანული კანონის და „საქართველოს სამოქალაქო კოდექსი“-ს მე-2 თავის საფუძველზე შექმნილ არასამეწარმეო (არაკომერციული) იურიდიულ პირს.

2. იურიდიული პირის დამფუძნებელია ახალციხის მუნიციპალიტეტის მერია (მის: ქ. ახალციხე, კოსტავას ქ. #18 საიდენტიფიკაციო კოდი: 224101317). იურიდიული პირი იქმნება განუსაზღვრელი ვადით.

3. სუბიექტი წარმოშობილად ითვლება მეწარმეთა და არასამეწარმეო (არაკომერციული) იურიდიული პირების რეესტრში რეგისტრაციის მომენტიდან.

4. იურიდიული პირის სრული დასახელებაა: არასამეწარმეო (არაკომერციული) იურიდიული პირი „ახალციხის მუნიციპალიტეტის სათნოების სახლი“.

5. ა(ა)იპ „ახალციხის მუნიციპალიტეტის სათნოების სახლი“-ს აქვს ბეჭედი, შტამპი, საბანკო ანგარიში და იურიდიული პირის სხვა რეკვიზიტები. იგი საკუთარი სახელით ახორციელებს თვის უფლებებს და მოვალეობებს, დებს გარიგებებს, შეუძლია გამოვიდეს სასამართლოში მოსარჩელედ და მოპასუხედ.

6. სამართლებრივი ფორმაა: არასამეწარმეო (არაკომერციული) იურიდიული პირი.

7. ა(ა)იპ „ახალციხის მუნიციპალიტეტის სათნოების სახლი“-ს იურიდიული მისამართია - ქალაქი ახალციხე, 0800, კოსტავას ქ. N 18.

8. ა(ა)იპ „ახალციხის მუნიციპალიტეტის სათნოების სახლი“-ს საქმიანობაზე ზედამხედველობას ახორციელებს ახალციხის მუნიციპალიტეტის მერია.

მუხლი 2. ა(ა)იპ „ახალციხის მუნიციპალიტეტის სათნოების სახლი“-ს სამართლებრივი საფუძველები

1. საქმიანობის სამართლებრივ საფუძველს წარმოადგენს საქართველოს კონსტიტუცია, „ადგილობრივი თვითმმართველობის კოდექსი“ საქართველოს ორგანული კანონი, საქართველოს სამოქალაქო კოდექსი, ეს წესდება, სხვა საკანონმდებლო და კანონქვემდებარე აქტები.

2. საქართველოს კანონმდებლობისა და ამ წესდების საფუძველზე ა(ა)იპ „ახალციხის მუნიციპალიტეტის სათნოების სახლი“ უფლებამოსილია გამოიყენოს და დადგენილი წესით განკარგოს მისთვის გადაცემული ქონება და ფინანსური სახსრები, გადაწყვიტოს მის კომპეტენციაში შემავალი ყველა სხვა საკითხი.

მუხლი 3. ა(ა)იპ „ახალციხის მუნიციპალიტეტის სათნოების სახლი“-ის მიზნები და ამოცანები

1. უმწეოთა და უპოვართა უფასო კვება, რომლითაც ისარგებლებენ ახალციხის მუნიციპალიტეტში რეგისტრირებული (ფაქტიურად მცხოვრები) მოქალაქეები:

ა) მარტოხელა პენსიონერები, რომლებიც ცხოვრობენ მარტო და არ ჰყავთ საკვების მიმწოდებელი.

ბ) უკიდურესად გაჭირვებული მოსახლეობის ის ნაწილი, რომელთაც არ აქვს საკვების შეძენის საშუალება და რეგისტრირებულია სოციალურად დაუცველთა ერთიან ბაზაში.

2. უკიდურესად გაჭირვებულ მოქალაქეთათვის თავშესაფრის მოწყობა (დამის გასათევი ფართი, ჰიგიენის დაცვის საშუალებები და სხვ.) კეთილმოწყობილი სათანადო გარემოთი.

მუხლი 4. ა(ა)იპ „ახალციხის მუნიციპალიტეტის სათნოების სახლი“-ში ბენეფიციართა ჩარიცხვის წესი

1. სათნოების სახლში ბენეფიციართა ჩარიცხვას ახდენს ახალციხის მუნიციპალიტეტის მერია, სოციალური დაცვის სამსახურისა და შესაბამის ადმინისტრაციული ერთეულში მერის წარმომადგენელთა მიერ წარმოდგენილი დოკუმენტაციის გათვალისწინებით მიღებული გადაწყვეტილების საფუძველზე.

მუხლი 5. ა(ა)იპ „ახალციხის მუნიციპალიტეტის სათნოების სახლი“-ის უფლებამოსილება

„ახალციხის მუნიციპალიტეტის სათნოების სახლი“ თავისი კომპეტენციის ფარგლებში უფლებამოსილია:

1. მიიღოს მონაწილეობა თვითმმართველი ერთეულის ბიუჯეტის პროექტის შემუშავებაში.
2. დააწესოს კონტროლი სისტემაში განხორციელებული საქმიანობის კანონიერებასა და მიზანშეწონილობაზე.
3. დაამყაროს ურთიერთობა სხვადასხვა ქალაქისა და მუნიციპალიტეტის ადგილობრივი თვითმმართველობის შესაბამის ორგანოებთან, სახელმწიფო და არასამთავრობო ორგანიზაცია-დაწესებულებებთან, აგრეთვე სხვა იურიდიულ და ფიზიკურ პირებთან.

მუხლი 6. ა(ა)იპ „ახალციხის მუნიციპალიტეტის სათნოების სახლი“-ს ვალდებულება

1. „ახალციხის მუნიციპალიტეტის სათნოების სახლი“ ვალდებულია:

- ა) დადგინდეს წესით და დადგინდეს ვადებში აწარმოოს გაწეული საქმიანობის შესახებ ანგარიშგება, დროულად უზრუნველყოს სათანადო ინფორმაციის წარდგენა ახალციხის მუნიციპალიტეტის მერიაში.
- ბ) მოქმედი კანონმდებლობის შესაბამისად, პასუხი აგოს ნაკისრი ვალდებულებების შეუსრულებლობისათვის.
- გ) გაუწიოს კოორდინირება ბიუჯეტიდან გამოყოფილი სახსრების მიზნობრივ ხარჯვას.
- დ) გაუწიოს კონტროლი მართვაში გადაცემული ქონების დაცვასა და დანიშნულებისამებრ გამოყენებას.
- ე) მიიღოს იურიდიული და ფიზიკური პირების წერილები, განცხადებები და განიხილოს ისინი საქართველოს შესაბამისი საკანონმდებლო და კანონქვემდებარე ნორმატიული აქტებით დადგინილი წესით განსაზღვრულ ვადებში.
- ვ) განახორციელოს კანონმდებლობით მინიჭებული სხვა უფლება-მოვალეობები.

მუხლი 7. „ახალციხის მუნიციპალიტეტის სათნოების სახლი“ საქმიანობის ორგანიზაცია და სტრუქტურა

1. სათნოების სახლის საქმიანობას წარმართავს, ორგანიზებას და კოორდინაციას უწევს „ახალციხის მუნიციპალიტეტის სათნოების სახლი“-ს დირექტორი, რომელსაც მოქმედი კანონმდებლობის შესაბამისად თანამდებობაზე ნიშნავს და ათავისუფლებს ახალციხის მუნიციპალიტეტის მერი.

2. ახალციხის მუნიციპალიტეტის მერი აძლევს თანხმობას წარმოდგენილი იურდიული პირის სტრუქტურის, საშტატო განრიგისა და თანამდებობრივი სარგოების დამტკიცებაზე.

3. „ახალციხის მუნიციპალიტეტის სათნოების სახლი“-ს დირექტორი:

ა) წარმართავს „ახალციხის მუნიციპალიტეტის სათნოების სახლი“-ს საქმიანობას და პასუხისმგებელია „ახალციხის მუნიციპალიტეტის სათნოების სახლი“-ს წინაშე არსებული ამოცანების შესრულებაზე.

ბ) დადგენილი წესით ახორციელებს სამსახურებრივ ზედამხედველობას თანამშრომელთა საქმიანობაზე.

გ) ახალციხის მუნიციპალიტეტის მერთან შეთანხმებით თანამდებობაზე ნიშნავს და ათავისუფლებს დაქვემდებარებულ სფეროში დასაქმებულ თანამშრომლებს.

დ) ამტკიცებს „ახალციხის მუნიციპალიტეტის სათნოების სახლი“-ს მუშაობის შინაგანაწესს.

4. „ახალციხის მუნიციპალიტეტის სათნოების სახლი“-ს დირექტორის მიერ უფლებამოსილების განხორციელების შეუძლებლობის შემთხვევაში მის მოვალეობას ასრულებს მუნიციპალიტეტის მერის ინდივიდუალური სამართლებრივი აქტით განსაზღვრული ერთ-ერთი თანამშრომელი.

მუხლი 8. ა(ა)იპ „ახალციხის მუნიციპალიტეტის სათნოების სახლი“-ს სამეურნეო საქმიანობა, საკუთრება და შემოსავლები.

1. „ახალციხის მუნიციპალიტეტის სათნოების სახლი“ ვალდებულია კანონმდებლობით დადგენილი წესით აწარმოოს საფინანსო და სამეურნეო საქმიანობა, საფინანსო აღრიცხვა-ანგარიშგება. ა(ა)იპ „ახალციხის მუნიციპალიტეტის სათნოების სახლი“-ს სამეურნეო საქმიანობის შედეგები აისახება წლიურ ანგარიშში, რომელიც დასამტკიცებლად წარედგინება ახალციხის მუნიციპალიტეტის მერს.

2. ა(ა)იპ „ახალციხის მუნიციპალიტეტის სათნოების სახლი“-ს დაფინანსების წყაროებია:

ა) ადგილობრივი ბიუჯეტიდან გამოყოფილი სახსრები,

ბ) შემოწირულობები,

გ) საქართველოს კანონმდებლობის შესაბამისად ნებადართული სხვა შემოსავლები.

3. ამ მუხლით განსაზღვრული სახსრები, კანონმდებლობის შესაბამისად ხმარდება მხოლოდ ა(ა)იპ „ახალციხის მუნიციპალიტეტის სათნოების სახლი“-ს მიზნების და ფუნქციების განხორციელებას. სახსრების სხვა მიზნით გამოყენება დაუშვებელია.

4. ა(ა)იპ „ახალციხის მუნიციპალიტეტის სათნოების სახლი“-ს ქონებას შეადგენს ახალციხის მუნიციპალიტეტის მერიის მიერ სარგებლობის უფლებით გადაცემული ქონება, რომელიც გამოიყენება მხოლოდ ამ წესდებით დასახული მიზნებისა და ამოცანების შესასრულებლად.

მუხლი 9. საქმიანობა, რომელიც საჭიროებს თანხმობას

1. ა(ა)იპ „ახალციხის მუნიციპალიტეტის სათნოების სახლი“-ს შეუძლია ახალციხის მუნიციპალიტეტის მერის თანხმობით განხორციელოს შემდეგი ქმედებები:

ა) უძრავი ქონების შეძენა, საკუთარი სახსრებით შეძენილი ქონების გასხვისება და დატვირთვა,

ბ) სესხის აღება,

გ) თავდებობა,

დ) სხვა გადაწყვეტილებები ა(ა)იპ „სათნოების სახლი“-ს ქონებასთან დაკავშირებით, რომლებიც სცილდება ჩვეულებრივ საქმიანობის ფარგლებს.

მუხლი 10. ა(ა)იპ „ახალციხის მუნიციპალიტეტის სათნოების სახლი“-ს კონტროლი და ანგარიშგება.

„ახალციხის მუნიციპალიტეტის სათნოების სახლი“ თავისი უფლებამოსილების ამოცანების გადაწყვეტასა და განხორციელებისათვის ანგარიშვალდებულია ახალციხის მუნიციპალიტეტის მერის წინაშე.

მუხლი 11. ა(ა)იპ „ახალციხის მუნიციპალიტეტის სათნოების სახლი“-ს რეორგანიზაცია და ლიკვიდაცია.

ა(ა)იპ „ახალციხის მუნიციპალიტეტის სათნოების სახლი“-ს რეორგანიზაცია ან ლიკვიდაცია ხორციელდება საქართველოს კანონმდებლობით დადგენილი წესით.

მუხლი 12. დასკვნითი დებულებები

1. თუ ამ წესდების რომელიმე დებულება(მუხლი, პუნქტი, ქვეპუნქტი) ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე.

2. ამ წესდებასა და საქართველოს მოქმედ კანონმდებლობას შორის არსებული შეუსაბამობის შემთხვევაში მოქმედებს კანონი.

დამფუძნებელი:

ახალციხის
მუნიციპალიტეტის მერი:



/ ზაზა მელიქიძე/